

HOMBER A ABUSA DI MUCHA DI 11 AÑA SOBRINA DI SU PAREHA



LIDER DI AVP, MR. MIKE EMAN:
AVP LO LUCHA PA
AUMENTO SUBSTANCIAL
DI PENSIOEN PA NOS
GRANDINAN


DECISION REDUCCION DEN CUIDO MEDICO
GOBIERNO MESTER
SACA 60 MIYON FOR DI
OTRO MINISTERIONAN
PROME STAP PA
CAMBIO DI GOBERNACION?

ACCIONA ENERGIA A
SCOGUE TERENO DEN
REFINERIA PA PLANTA
HIDROGENO EAGLE LNG
TA "OFF THE MARKET"?



Beneficio di impuesto atractivo cu
Guardian Group su **Plan Personal di**
Pensioen pa Empresario.

Click here! 




The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government

Tel. 583-7072 | info@vcc-int.com | www.vcc-int.com



Lider di AVP, mr. Mike Eman:

AVP lo lucha pa aumento substancial di pensioen pa nos grandinan

“**T**a imposibel pa pensionado cu ta biba di un entrada di pensioen so por tin un bida digno cu e costo di bida actual. Sea e pensioen di SVB mester wordo aumenta considerablemente of gobierno tin cu aumenta e reparatietoeslag cu AVP a introduci pa cada pensionado considerablemente”, asina e lider di AVP, mr. Mike Eman a expresa despues di un analisis profundo di cifranan y papiando cu pensionadonan.

PENSIONADO CU DEFICIT TUR LUNA

Eman ta bisa cu e cifranan ta papia pa nan mes. E dolor cu nos ta scucha di nos pensionadonan ta wordo confirma pa e cifranan di CBS y SVB. Tanto e pensionado soltero como pareha ta core cu un deficit grandi tur luna.

Den su relato final pa aña 2022 CBS a duna di conoce cu un persona adulto mester di 2560 florin minimal pa luna pa un sobribencia digno. E pensioen di un soltero segun cifranan di SVB ta 1215 florin pa luna. Esaki kiermen cu un pensionado soltero cu ta biba su so ta core cu un deficit di 1345 florin pa luna.

Dos persona adulto, pues por ehempel un pareha pensionado mester, segun CBS, un entrada di 3840 pa luna. E pensioen di un pareha segun cifranan di SVB ta 2046 florin pa luna. Esey kiermen cu un pareha pensionado cu ta biba nan so ta core cu un deficit di 1794 florin pa luna. E lider di AVP, mr. Mike Eman ta bisa cu ta imposibel y inhusto pa laga e situacion penoso aki asina.

PENSIONADONAN DEN POBRESA Y ABANDONO

Nos pensionadonan ta sufriendo economicamente y ta bibando bandona dor di un gobierno cu ta subi gastonan tur luna pa pueblo, pero gobierno no ta puntra su mes con nos hendenan por sobrevivi, e lider di AVP, mr. Mike Eman ta reclama. Eman ta mostra cu segun SVB tin 22.164 pensionado na Aruba. E cifranan aki ta mostra cu un gran mayoria di nos tata, mama, welo, wela ta bibando den un situacion inhusto.

E situacion aki ta hopi penoso tambe pa esnan cu salarionan bao di 3500 florin, p'esey miles tin dos trabao. Esaki tambe ta un bida inhusto y cu consecuencia pa salud fisico y social di e persona y di su famia. Nos ta mira cu hopi pensionado tambe cu por ainda y logra di haya algo extra tambe ta forsa nan mes pa sobrevivi.



AVP KIER AUMENTO SUBSTANCIAL DI PENSIOEN PA NOS GRANDINAN

E lider di AVP, mr. Mike Eman ta conclui bisando cu e situacion aki ta creando un pobresa feroz y inaceptabel pa nos grandinan. E ta insisti cu e situacion doloroso aki mester conoce un cambio, un alivio mester bin urgente pa nos concidudadanonan di edad mayor. Eman ta bisa cu sea e placa di pensioen mester wordo aumenta considerablemente of e reparatietoeslag cu gobierno di AVP a introduci mester wordo aumenta substancialmente. E ta bisa cu durante tratamento di Presupuesto 2022 y 2023 y e cambionan fiscal fraccion di AVP a presenta un presupuesto alternativa y mocionnan pa logra e aumentonan necesario pa trece un alivio pa nos grandinan. Pero e coalicion di gobierno a vota contra.

Lider di AVP mr. Mike Eman ta bisa cu no ta prome bes cu AVP ta bisa y haci e cambionan aki pa nos pensionadonan. Asina AVP a redobla e pensioen durante Gabinete Henny Eman y den nos tempo nos a introduci aumentonan di pensioen, bijstand y reparatietoeslag y schoolkindrentoeslag pa henter e nucleo di un famia por tin un bida mas husto. Tambe AVP a haci e reformatonan crucial den fondonan di pensioen di SVB y APFA pa awe nan ta financieramente saludabel y solvabel. Ta ora awor pa traduci e solvabilidad aki cu henter comunidad ta contribui na dje y cu gobierno ta probecha di dje den un aumento substancial di entrada mensual pa nos pensionadonan. Eman ta bisa cu no por otro, mester bin un aumento substancial di pensioen pa nos grandinan, sino nos pensionadonan lo keda biba bao di e linea di sobrevivencia cu e propio CBS ta calcula tur luna.

Homber a abusa di mucha di 11 año sobrina di su pareha

E homber cu a presenta diabierna den corte pa abuso sexual tabata conoce su victima ora e mucha tabatin dos año. Ora e menor aki a caba di cumpli 11 año el a tene sex oral cu ne. Pa esaki a condene na seis año di prizon.

Alexander Estrada Perez di 47 año a wordo acusa cu den e periodo di januari pa augustus 2022 el a comete abuso sexual cu un mucha muhe di 11 año, kende por bisa, tabata bou di su cuido. Un menor cu ta sobrina di su pareha.

Loke cu a resalta durante tratamento di e caso aki ta cu e homber di 47 año no ta acepta su comportacion y loke cu por a saca di su declaracion ta cu e ta admiti y ta arepentí, pero na mesun momento a bisa cu el a wordo seduci door di e menor aki. Esta cu no ta su persona a tuma e iniciativa. “E tabata bin drumi riba mi,” tabata un expresion cu el a haci den Corte durante tanto interrogacion di Hues como di Fiscal. Tratamento di e caso a tuma luga den presencia di tata di e menor y su tanta, kendenan tabata hopi emocional y lagrimanan tabata core riba nan cara. Semper Hues ta bisa familiar den tipo di casonan asina, cu ta duro pa presencia e caso.

Na inicio di e interrogacion Alexander a admiti di a mishi cu e parti intimo di e menor, na su pecho y otro parti di curpa. “Pero mi no a penetr’e,” el a bisa Hues. Siguiendo cu e interrogacion, el a bin admiti cu el a haci sexo oral cu e mucha, cual comentario a causa un reaccion di disgusto cerca e familiar nan sinta den corte.

El a sigui conta Hues cu e sa cu e cos ta malo pero el a cay pa e mucha muhe cu ta esun cu a tuma e iniciativa y esaki ta algo cu el a keda ripiti, ora di interrogacion di Fiscal tambe. Hues dado momento a puntr’e tambe cu si ta e mucha a tuma e iniciativa, di con e no a informa e tata of su pareha di esaki. Aki e no por a duna un splicacion pakico e no a hacie y cu despues di e prome biaha, el a haya miedo di kico por pasa cu ne.

Sinembargo e menor, kende na final (ora cu e tanta a bini Aruba bek) a cont’e loke cu a pasa, a duna un version diferente. Ta e acusado ta esun cu a cuminsa pa mishi cu ne y inclusive el a bisa e homber cu e no kier y cu e lo por bisa Polis p’e. Ora cu e tabata sinta den sofa wak television, e homber ta cay sinta banda di dje y ta cuminsa cu e mishi-mento, pero tambe riba cama. Tambe el a declara cu ora e ta baña, e homber ta drenta den baño cerca dje.

Na final e hoben a informa su tanta, kende despues di reclama su pareha, mesora a haci denuncia na Polis.

Den un di e declaracionnan e victima a declara cu e homber a bisa cu e no ta lague paso e ta demasiado bunita y guste masha hopi.

Alexander, kende a yega Aruba 11 año pasa y ta traha den construccion, a nenga e version di e menor. “E ta gaña,” el a bisa Hues. El a keda insisti cu ta e mucha ta drenta su camber y cera esaki na lock y despues ta drumi riba dje. E no sa di con, pero a perde control riba su mesun comportacion. “Nos ta papia di un mucha y bo ta bisa cu ta el a seduci bo, un homber di 47 año,” Hues a bisa e acusado.

E famia a wordo representa pa Abogado Croes, kende a entrega un demanda. Inicialmente e hobencita a wordo atendi pa un psycholoog priva y despues el a haya uno cu ta wordo cubri door di AZV. A haci un demanda di 1500 florin pa daño material y 5 mil pa daño inmaterial, mas e gastonan di e procedura aki, esta pago di e abogado.

Fiscal a bisa cu e caso aki ta uno hopi lamentablemente pasobra ta un acusado di 47 año cu un mucha di 11 año. No solamente esey, pero ta un mucha cu tabata practicamente bou di su cuido, un mucha cu e conoce for di tempo e tabatin 2 año. Pues bo a mir’e crece, Fiscal a bisa.

Tambe el a trece dilanti ta muestra for di e declaracion di e menor, cu diferente biaha e homber a purba penetra e menor cu su parti intimo y a splica tur kico e mester a haci cu e homber aki, kende tabata uza su lenga na e parti intimo di dje. “Esaki tambe ta penetracion pa ley,” fiscal a bisa. “Bo ta bisa cu ta e mucha a busca bo. Si ta asina como adulto bo mester a par’e. Pero mi ta duda den esey. Bo mester a keda leu di dje.”

El a saca potret y filma e menor, pasobra e acusado mes a admiti esaki. Y a bisa despues cu el a delete e imagen y filmacion.

Fiscal a haci un evaluacion di e situacion, con e delito a tuma luga, e relacion “familiar” di esnan envolvi y edad di menor y e acusado. A base di esaki el a yega na un demanda di seis año. Pa loke ta e demanda financiero, e ta haya cu esaki por wordo otorga y a recorda cu un menor asina ta keda traumatiza pa hopi año.

Hues a dicidi di dicta sentencia mesora y e no por a evita di muestra su disgusto contra e acusado aki, kende tabata trata di tira tur culpa riba e menor, cu ta esun cu lo a seduci’e. “Mi no tin palabra pa expresa mi disgusto. Mi disgusto cu bo ta tira culpa riba loke cu bo a haci cu un menor, cu apesar a cuminsa desaroya su mes como adolescente.

El a haya e demanda na su luga tambe y a impone un suma total di 6675 florin y seis año di prizon.

El a splica tambe cu e ta compronde cu pa mayornan, familiar nan y comunidad lo pensa cu castigo ta tiki y lo prefera bida largo. Pero ley no ta duna castigo di bida largo pa e delito serio aki.

Decision reduccion den cuido medico

Gobierno mester saca 60 miyon for di otro ministerionan

Prome stap pa cambio di gobernacion?

E decision di Minister di Salud, Dangui Oduber pa dicidi di no sigui cu e medidanan di reduci gasto den cuido medico, esta den AZV cu 5 miyon pa luna y 60 miyon pa aña, lo bay bin su consecuencianan sin duda pa loke ta presupuesto 2023.

Mientras cu den e prome reportahe pa loke ta di cuater kwartaal di ehecucion di presupuesto 2022 a duna resultadonan sumamente positivo, e decision di gobierno di Aruba pa para e reduccion den cuido medico, no a sorprende gobierno Hulandes y tampoco CAft.

Al contrario manera cos ta pinta tin un palabracion forma cu Hulanda cu lo reduci gastonan den cuido medico cu 60 miyon pa aña loke no a bira posibel den 2022 y awor den 2023 ta dicidi di no sigui cu e palabracion aki, e responsabilidad ta keda na gabinete Wever Croes pa cumpli cu loke el a bay di acuerdo pa haci.

Si e 60 miyon aki lo no Sali for di e sector di cuido medico, e tin cu Sali for di un otro caminda y den cierto forma ya

caba CAft a duna cierto indicacion cu e presupuesto di 2023 cu a wordo aproba pa Parlamento y tambe pa e comision di supervision, awor lo tin cu bay wordo cambia na momento di presenta e presupuesto supletorio mas den final di aña.

Tur cos ta muestra cu mientras cu ainda gobierno Hulandes mescos cu CAft no a duna un reaccion oficial ainda riba e decision di Minister di Salud Dangui Oduber, tin indicacion cu ta keda na gabinete Wever Croes pa saca e 60 miyon aki for di otro presupuestonan di diferente ministerionan, loke ta bay pone cu e falta di likides pa haci algo pa pueblo, awor lo bira ainda mas dificil pa cumpli cu loke ya tabata cumpli caba.

Mientras AWEMainta a cuestiona e forma di procede di CAft caminda den 2022 a recomenda RMR pa duna gabinete Wever Croes II un “aanwijzing” pa falta di seriedad y no cumplimiento di palabracionnan haci pa Prome Minister Evelyn Wever Croes, lo por presenta un “aanwijzing” caminda e biaha aki si e lo wordo impone riba henter gabinete di e actual coalicion di MEP-RAIZ.

Den fin di siman varios expertonan politico tambe a cuestiona e forma con unilateralmente gobierno a dicidi di pone e acuerdo riba reduccion di gasto den cuido medico un banda, apesar cu tin un acuerdo firma pa algun aña caba relacion cu e medida aki.

Hopi di e expertonan aki ta kere cu loke principalmente partido MEP ta haciendo, ta di hinca e posibel proximo gobierno den un tipo di ‘lockdown’ for di awor caba pa ora cu cualkier gobierno tuma over, nan man lo ta completamente mara sin por haci mucho pa cambia loke e dos gobiernonan di MEP a crea caba.

No ta for di awor ta papiando di un posibel eleccion prome cu tempo, caminda den ultimo simannan principalmente mandatarionan di MEP ta presentando un proyecto tras di otro, ningun financia of ehecuta pa gobierno, caminda principalmente ta uzando fondonan di Aruba Tourism Authority pa logra esaki nan.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com

Acciona Energia a scoge tereno den refineria pa planta hidrogeno Eagle LNG ta “off the market”?

Siman pasa ora cu Minister Glenbert Croes y su gobierno a emiti un comunicado di prensa informando cu tin un delegacion di e compania Spaño, ‘Acciona Energia’ lo ta na Aruba pa hiba deliberacion cu gobierno pa realisacion di loke Minister Glenbert ta yama e Aruba Hydrogen Valley, esaki a lanta un biaha ma’da den seriedad di tanto e mandatario como su gobierno.’

Minister Croes no ta cumpliendo cu pueblo pa loke ta reduccion di tarifa di awa y electricidad pero no ta menciona net nada di esaki pero awor ta presenta otro plan cu lo ta “algo grandi” pa pais Aruba y cu lo crea hopi cupo di trabou pa pueblo.

Ta mesun declaracionnan cu Minister Croes a haci tambe na 2021 ora cu el a presenta e compania Eagle LNG y un otro mas, como e companianan cu lo bin converti WEB Aruba den un planta sumamente economico cu uzo di gas natural.

Na luna di November di 2021, durante di un ceremonia na San Nicolas, Minister Glenbert a tene un acto di firma di un acuerdo cu Eagle LNG pero cu e acuerdo aki a ser haci a base di un “Non Disclosure Agreement” loke a nifica segun e mandatario di MEP, cu ni su persona of gobierno sa contenido di e acuerdo aki.

Henter aña 2022 a papia solamente con y na unda lo core e tubonan di gas cu lo sali for di tereno di refineria na San Nicolas y bay abou te na instalacion di WEB Aruba NV pero te cu awe Mei 08 2023, ainda no tin ningun trabou pa pone tubo y tampoco Eagle LNG a scoge e pida tereno riba e refineria pa pone su tanki di cas cu e lo trece for di exterior.

Awor sin menciona number di Eagle LNG, loke algun luna atras si el a haci, Glenbert ta sigura Aruba cu e proyecto aki, caminda un ora e ta papia cu Aruba lo bira un hub pa e region pero despues ta papia di un planta hidrogeno loke ta bruha henter e asunto un tiki mas.

NADA NOBO

No ta algo nobo cu Minister Glenbert Croes ta actua di e forma aki, tratando na convence pueblo cu e tin un proyecto grandi, cu lo brinda miles tata y mama di famia un bon trabou cu bon entrada pero e tin un lista largo di plannan cu nunca a cristalisa.

Pa cuminsa asina cu el a bira minister di energia na 2017, Glenbert Croes a lanta un ‘CITGO Desk’ ya cu pa su persona tabata importante pa Arubianonan haya trabou den e refineria.

Su propio gobierno a kibra contra cu CITGO pero ningun hende sa cuanto hende solicita na e ‘desk’ di Glenbert y mesun cos el a sigura cu ora cu Eagle LNG bira realidad, ta hopi cupo di trabou lo habri y awor igualmente cu presencia di algun funcionario di Acciona Energia.

Siman pasa Minister di Energia Glenbert, a sigura cu e construccion di e planta hidrogeno lo crea trabou pa miles di hende di Aruba pero ora cu analisa loke representantenan di e compania Spaño a trece dilanti, tin algo robes.

Segun e representante di Acciona Energia, e compania aki ta funcionando den 40 pais rond mundo riba cinco continente, brindando servicio di energia renobabel y cu hunto den e 40 paisnan aki, Acciona Energia ta conta cu 45 mil trahado.

Esaki lo un averahe di mil trahado den e plantanan den 40 pais pero aki tin cu tuma na consideracion cu den algun pais ta trata di un planta hidrogeno hopi grandi caminda lo tin entre 2 mil pa 3 mil trahado y te ainda no sa su ta un hub e compania aki lo construi aki na Aruba, loke no ta rekeri cuponan di trabou na gran cantidad.

Acciona Energia a bay mira tereno pa su posibel instalacion den futuro pero aki Minister Glenbert Croes, mester ta mas sincero cu pueblo, ya cu su persona tambe a duna oficialnan di Eagle LNG un recorrido den e refineria na 2021.



BUCUTI & TARA
BEACH RESORT • ARUBA



Elements
RESTAURANT



WE ARE HIRING

TOP 25 RESORTS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

POSITIONS:

- DIRECTOR OF ENGINEERING
- ENGINEERING SUPERVISOR
- TECHNICIAN
- FRONT OFFICE SUPERVISOR
- CONCIERGE/FRONT DESK AGENT
- HOUSEKEEPING SUPERVISOR
- HOUSEMAN
- SOUS CHEF
- F&B SUPERVISOR
- COOK/COOK HELPER

BENEFITS:

- ATTRACTIVE SALARIES
- BONUS OPPORTUNITIES
- 5-DAY WORKWEEK
- UP TO 27 VACATION DAYS
(BASED ON YEARS OF SERVICE)
- INSURANCES (LIFE INSURANCE,
VISION & DENTAL, HEALTH
DISABILITIES)
- SAVINGS & LOANS PROGRAM
- EMPLOYEE DISCOUNTS

APPLY ONLINE AT WWW.BUCUTI.COM/CAREERS

mr. dr. Ryçond Santos do Nascimento

Falta di profesionalismo ta destrui nos autonomia

Desde nos Status Aparte na 1986 continuamente Aruba su autonomia ta birando mas chikito. Nos gusta tira e culpa riba Hulanda y p'esey nos ta den un conflicto constante cu Hulanda. Sinembargo nos no kier sali for di Reino pa motibo cu Reino ta proteha nos contra un ocupacion militar di cualkier pais den region. Reino ta proteha nos contra e efectonan mas devastador di cualkier crisis imprevisto y Reino ta garantiza cu nos tin un sistema hudicial cu ta inspira confianza den e inversionistanan internacional.

Sinembargo tin un motibo pakico nos autonomia ta birando mas y mas chikito cu nos no kier papia di dje. Esey ta e falta di profesionalismo den sector publico cu ta cuminsa cerca nos ministernan. E falta di profesionalismo na su turno ta permiti cu corrupcion, nepotismo y clientelismo por florece.

Den un rapport di Algemene Rekenkamer di 2001 nos por lesa con Glenbert Croes den su capacidad di minister di transporte y comunicacion a traha sin base legal y hasta contra ley den cuadro di entre otro e proyecto SETAR/Fabela. Den e rapport ta muestra cu Glenbert a comete fayo grave pa cu e preparacion di e proyectonan y e proceso di tuma decision. E maneho di e proyectonan di Glenbert tabata asina caotico cu despues di finalisacion di e proyectonan tabata imposibel pa Algemene Rekenkamer controla si a ehecuta e proyecto manera premira.

Den otro rapport di Algemene Rekenkamer, un di 2018 encuanto e proyecto BO Aruba, Algemene Rekenkamer ta bolbe conclui cu gobierno a viola ley di contabilidad (Comptabiliteitsverordening). Aunke e proyecto aki a expande nos infraestructura considerablemente, atrobe un minister a traha den forma caotico y atrobe Algemene Rekenkamer a subraya e falta di profesionalismo. Den e caso aki e tabata Benny Sevinger cu no a sigui e formula Plan-Do-Act, ni e modelo SMART (specific, measurable, assignable, realistic and time-related) pa traha y ehecuta su maneho. Traha SMART ta necesario pa despues gobierno por evalua si e plan, ehecucion y e efectonan tabata eficiente y efectivo pa alcanza e metanan stipula. E resultado ta cu nunca nos por a midi e grado di (in)eficiencia di e proyecto. Nos no sa cuanto placa simplemente a malgasta of kisas hasta malversa of horta. E unico cos cu nos sa cu seguridad ta cu e proyecto aki a pone un stempel grandi riba nos debe nacional.

Caso Avestruz tambe a demostra nos falta di profesional-

ismo. E caso a revela cu e proceso di haya opcion y tereno erfpacht comercial bou Benny no tabata optimal. Tabatin dos caminda pa entrega peticion pa haya un opcion riba tereno comercial. Uno tabata pa entrega e peticion cerca DIP mes y e otro cerca e minister. Ta e defensa di Benny den e caso mes a muestra cu entrega cerca e minister tabata un stap totalmente ineficiente y sin ningun balor profesional. Ta Benny mes a declara cu e tabata firma tur peticion cu e palabranan “dezerzijds akkoord”. P'esey hues mes a bisa cu Benny tabata un stempelmachine. Ta obvio cu Benny Sevinger nunca a evalua e proceso, manera e ciclo normal di un SOP (Standard Operating Procedure) ta prescribi. Un evaluacion serio lo a demostra cu e mester a elimina e posibilidad cu peticion pa opcion ta drenta cerca dje. Peticion cerca dje no tabatin ningun balor agrega, tabata costa tempo valioso y tabata crea e impresion cu minister por a yuda/fix un tereno of opcion pa e ciudadano. Mantene e peticion cerca e minister simplemente tabata crea e apariencia di corrupcion. Hues ta reconoce esey den su veredicto. Ironia ta cu ta hustamente e falta di e procesonan bon delinea a scapa Benny di haya castigo pa e practica ey.

Bou di e maneho actual tin un sin fin di ehempel di falta di profesionalismo. Nos tin e ehempel di e maneho di Dangui Oduber pa cu vacuna contra Covid19 na DVG. Como cu ningun hende a traha un SOP pa e proceso di vacuna, tabata facil pa algun empleado comete fraude cu vacuna. Glenbert Croes no ta miho. Ora analisa rapport di CAD di 2021 y esun di Algemene Rekenkamer di 2022 nos por mira claramente cu Glenbert no a traha riba proceduranan eficiente pa e ayudo di FASE. Ademas e minister ta traha sin base legal. E lista aki falta hopi ehempel, pero e ta demostra e realidad di nos politica na Aruba. Nos gusta traha con cu ta.

Loke nos politiconan no kier compronde ta cu articulo 43 inciso 2 di Statuut pa Reino ta crea un responsabilidad pa Reino garantiza bon gobernacion na Aruba. P'esey mal gobernacion ta activa e podernan di Reino pa interveni den nos autonomia. Ta p'esey Hulanda kier mas influencia den husticia na Aruba. Pa duna un ultimo ehempel: ora Presidente di Parlamento (Ady Thijsen) a viola nos Constitucion pa retira ex-minister Marisol Lopez-Tromp sin cu tin quorum den parlamento, esey a activa Reino. Ta gobernador mester a salba Aruba di bira un republica di banana completo door di forsa Ady Thijsen pa revoca su decision pa viola nos Constitucion. E falta di profesionalismo, e politikeria y e corrupcion ta un señal pa Hulanda cu nos simplemente no tin e capacidad pa pone nos mesun cas na ordo. Paul Croes y Benny Sevinger ta confirma pa Hulanda cu nos politiconan mes no por tuma honor na nan mes y entrega nan retiro ora cu husticia ta cuestiona nan integridad. E realidad ta cu nos mesun politiconan ta destrui credibilidad di Aruba y ta mina nos autonomia.

Eric Ras(Curpa):

Gobierno ta sigui presenta cifra ficticio pa tapa wowo di nos pueblo y Hulanda

No ta un secreto publico cu e gobierno aki ta gusta manipula cu cifranan. Diferente biaha CAFT a desenmascara e gobierno pa nan cifra fantasma. Awor diripiente ta anuncia cu BBO na frontera lo genera 40 milyon florin for di negoshinan ilegal. For di unda nan ta saca cu tin asina hopi negoshi ilegal? Unda gobierno ta saca afo si e negoshinan aki no ta paga belasting?

Gobierno den su presupuesta 2023 ta muestra claramente di lo genera 172 milyon florin segun e plan di impuesto. Manera menciona CURPA ta di opinion cu e 40 milyon ta fata morgana. Nifica cu gobierno ta resta 132 milyon florin pa saca for di pueblo. Si en caso gobierno haya toch rason cu den 6 luna gobierno lo ranca 40 milyon na BBO na frontera, anto den un año lo surpasa 80 milyon florin. Pues cueste lo que cueste e gobierno aki kier sigui masacra pueblo cobrando 132 milyon + 80 milyon. Tin dos splicacion esta gobierno mester di placa pa sigui malgasta y ta sigui ranca placa for di e galiña sin pluma. Un otro splicacion y segun CURPA esun mas plausibel ta cu e gobierno ta haci uzo di cifranan ficticio pa despista Hulanda?

Den e ultimo 20 añanan gobierno a ricibi 24 biyon florin y a inverti solamente 600 milyon florin. Gastonan di gobierno ta sigui aumenta mientras ta ranca 60 milyon for di AZV y kier pa pueblo biba di un pensioen di behes di awg.1300,= y esnan cu no tin trabao ta biba den miseria. Riba dje esnan cu ta incapacita ora nan ta den hospital ta desconta nan onderstand. Segun informacion tin 10.800 mama soltera na Aruba. No solamente Aruba ta den un super mega debe sino tambe un supera mega crisis social.

No solamente nos grandinan, esnan sin trabao, esnan incapacita y mamanan soltero ta den problema sino poco poco lo no bay tin clase media mas. Muchanan ta bay scol sin desayuno ta aumenta cada dia cu pasa y riba dje aumento di schoolgeld, a baha electricidad cu solamente 7% mientras despues di a subi'e cu casi 30%. Tur caminda tin aumento mientras menos den cartera di nos pueblo.

Aruba ta den un crisis financiero pisa pa malgastamento di placa. E gobierno incapacita aki a malgasta mas cu 2 biyon florin y a crea un supermega debe di mas cu 6.3 biyon florin. Si pueblo sigui vota pa partidonan MEP y AVP nos debe nacional lo surpasa 7 biyon florin aki un par di año. For di gobernacion di partido MEP na año 2001 bin ariba a viola articulo 29 di nos Statuut y tambe nos ley di compatibilidad pa fia atravez di banconan local placa den exterior riba un interes di casi 6%. Aruba su debe nacional ta mas o menos 143% di nos GDP.

Tanto gobierno di partido MEP y AVP a uza nos companianan estatal, propiedad di pueblo y otro institucionnan di gobierno como garantia of miho bisa a hipoteca nan pa a haci prestamo den exterior. Atraves di intermediario

a fia placa pa Aruba y companianan estatal. Si dia di mañan gobierno no por cumpli pa paga su debe lo bende tanto WEB, Elmar y otro institucion pa paga debe. E consecuencia lo bay ta pa e trahadonan di e companianan aki cu den futuro lo perde nan pan di cada dia. E situacion ta hopi mas serio cu pueblo ta kere. Nos futuro generacion tin un debe astronomico ta colga riba nan cabes. Si for awor caba Aruba su situacion financiero ta malisimo anto despues di 2027 Aruba su situacion lo empeora paso locual cu nos gobierno den ultimo 20 año a haci ta schuif debenan astronomico pa futuro. For di dia cu gobierno a elimina e spaarfonds nos problema financiero a bira pio.

Ni partido MEP ni partido AVP lo por bay cambia futuro di nos situacion financiero paso tur 2 partidonan aki a tapa pa otro y hiba Aruba den e abismo cu nos pueblo ta bibando. Si no tabata tin malgastamento lo no tabata tin mester tanto medida asina paso cu e 24 biyon di florin nos tur lo a biba manera un rey y placa lo a yega te sobra. Lastimamente nos tin parlamentarionan cu enbes di a sali na vanguardia di nos pueblo a apoya nos gobiernonan den malgastamento di placa di pueblo.

Partido CURPA ta kere cu e gobierno aki su dia ta conta paso nan a sembra biento y pronto e horcan lo pasa den Cocolishi. Si tin un cos cu Dios ta odia ta inhusticia. Husticia ta di Dios. Ora e husticia yega, nos pueblo lo bay ta alegre. Nos ta biba cu e speranza y cu fe den Dios nos lo mire. Partido CURPA ta e unico alternativa.



Reino Uni a celebra coronacion di Charles III y Camila Reina Consorte

Diasabra ultimo, dia 6 di mei, a tuma luga na London e coronacion di Charles III, kende a subi trono despues di morto di su mama, Elisabeth II, na september di aña pasa. E coronacion, e prome den casi 70 aña na Reino Uni, a tuma luga den Westminster Abbey den presencia di mas di 2200 persona y a dura aproximadamente dos ora.

CON E CEREMONIA A TRANSCURI

Ta trata aki di e di 40 coronacion den historia di Reino Uni. Hunto cu Charles III, a corona tambe su casa Camilla, kende a ricibi e titulo di reina consorte.

E ceremonia a cuminsa cu un procesion caminda cu Charles III y Camilla, den un kitrin a bay mobilisa for di Buckingham Palace te cu Westminster Abbey. E pareha real, compaña p'e heredero di e corona, prins William y su casa Catherine, a pasa varios luga emblematico di e capital Britanico, entre nan The Mall, St. James' Park y Trafalgar Square.

E evento solemne, lidera pa arsobispo di Canterbury, a consisti di cinco parti: e reconocemento, e huramento, e uncion, e investidura y entronisacion y e homenahe.

Durante e reconocemento, a puntra esunnan presente n'e ceremonia, si nan ta reconoce Charles III como nan rey, na cual nan a responde "God save the king." Despues e monarca a hura respeta ley y Iglesia di Inglatera. Despues di esey, e rey a sinta den e Stoel di Coronacion p'e uncion, momento mas sagrado di e coronacion.

Durante di e investidura, e rey a ricibi e insignanan real y a pone e corona di St. Eduard riba su cabes.

Den e ultimo parti di e ceremonia, e monarca a sinta riba su trono caminda cu el a ricibi e homenahe of huramento di fieldad.

Despues di esey a tuma luga e coronacion di reina consorte, durante cual a pone e corona di reina Mary riba cabes di Camila.

Unabes cu e ceremonia a finalisa, Charles III y Camila a bay bek Buckingham y a caba cu e evento oficial cu salida riba e balcon central di e palacio cu e miembronan di nan famia pa haci e tradicional saludo.



Polis a scual homber cu a sunchi mucha(3) ariba su boca

Diasabra atardi algo pasa di 4'or un mama tawata warda presencia di polis, pa un caso cu a sosode cu su yiu di 3 aña. Polis a yega y mesora nan a wordo informa di locual a sosode, cu ta wordo considera algo immoral sigur den comunidad.

Ta asina cu segun e mama di un criatura(3) un homber a hisa e mucha y dun'e un sunchi ariba su boca. Na e sitio un agente policial a dun'e un scual pisa.

Autoridad no a detene e homber, pero a keda di pasa e caso over pa e departamento cu ta trata cu delitonan di e indole aki, JZP.



Homber herida despues di pelea den bar na De LaSallestraat



Diasabra marduga laat despues polis a efectua un detencion na Great Rich Bar Restaurant y a cer'e, nan a bay direccion Watergate. Eynan lo tawata tin un pelea andando, aunke cu na yegada di polis ya e pelea a caba. Pero, polis a hay'e ta solicita pa un ambulance debi cu un homber a wordo gedal cu un boter den cabes. Esaki tawata sangra bastante.

Ambulance a yega y den algun rato e homber herida a bay den e ambulance y nan a sali direccion Hospital. E luga a wordo cera tambe mirando cu e sluitingstijd a yega.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOKA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

**AUTHENTIC
ARUBAN &
CARIBBEAN
BUFFET**

**Elements
RESTAURANT**

LOCATED AT BUCUTI
& TARA BEACH RESORT
RESERVATIONS REQUIRED
elementsaruba.com | +297 592 5868
ADULTS ONLY | CASHLESS | NO SMOKING | NO GROUPS

\$24.50
SERVICE CHARGE
INCLUDED

Tres auto involvi den boksmento diasabra atardi

Diasabra den oranan di atardi polis mester a atende un boksmento di cadena, o sea tres auto involvi y tambe lo tawata tin hende herida. Esaki mirando e ora a medio stagna e trafico. Locual por a mira na e sitio tawata cu e Hyundai Accent no a mantene distancia y tambe su velocidad y a dal tras di un Ford Fusio, y esaki na su turno a bay dal tras di Kia SUV. Mester a atende cu e persona levemente herida y tambe polis di trafico a presenta, caminda a wordo parcialmente cera te ora cu e autonan involvi a move.



Motociclista herida den accidente serio na Shaba



Diasabra marduga rond di 2'or ta sosode un accidente serio entre auto cu brommer na Shaba. Tawata den careda di 2'or cu polis a bay cu urgencia e t-kruising panort di Do It Center, unda cu un Hayabusa a dal contra un Kia Sportage.

Nos a compronde cu e chauffeur un cabayero di edad a subi e caminda pa bay nort, pero no a mira e brommer cu consecuencia esaki a dal basta duro contra e Sportage.

Despues e la keda benta ariba caminda, cu fractura serio na brasa links y tambe na cara. Paramediconan na e sitio a stabilise prome cu nan a sali cu ne cu urgencia pa Hospital. Especialista di trafico a wordo pidi na e sitio. Caminda a keda cera pa algun rato pa asina conduci e investigacion.

Dama chauffeur bou influencia deteni, despues di a ranca cu su auto, un rij di cadushi y un palo di luz



Diasabra algo prome cu 6'or y mey di atardi a sosode un boksmento riba e caminda di Alto Vista, un dama chauffeur tabata coriendo un Ford Explorer y pa un of otro motibo a perde control, a ranca un rij di cadushi y un palo di luz por completo, asina mes e la sigui core algun meter mas prome cu e por a para e auto.

E palo di luz a cay riba caminda y e wayanan di coriente a keda colga na un forma hopi peligroso. Mesora a pidi pa presencia di polis, na yegada polis a cera e caminda y a pidi pa presencia di ELMAR. Tambe papiando cu e dama polis a bin ripara cu e dama tabata bou influencia. Na final a detene e dama pa core auto bou influencia, transportwagen di polis a transport'e pa warda di Noord.

Dia 2 y 3 di juni den Curacao Festival Center: Ashanti, JaRule, Rema y 10 otro artista internacional mas den Caribbean Sun Splash Festival



WILLEMSTAD: E weekend di 2 & 3 di juni ta premira di bira uno grandi na Corsou cu e prome edicion di Caribbean Sun Splash Festival cu artistanan di renombre internacional den R&B, Hip Hop, Soul, Rap y AfroBeat. Sun Splash ta priminti un escape musical cu lo sigura di kibra tur expectativa cu un 'line-up' di 12 artista cu fama mundial incluyendo Ashanti, JaRule y e actual sensacion di momento Rema.

Ashanti, JaRule, Rema y 10 otro artista internacional mas Por confirma cu riba diabierna dia 2 di juni lo presenta dos head-liners cu ta e semper popular y sensual, ganado di un Grammy Award Ashanti y e multi-nominado pa Grammy Awards JaRule; cual hunto tin e cancion hit 'Mesmerize' cu te dia di awe ta wordo toca y scucha rond mundo. Mientras cu riba diasabra dia 3 di juni lo tin presentacion di e fenomenal artista di afro-beat di momento Rema. Rema ta kibrando tur 'musical charts' cu su hit 'Calm Down' cu tin mas di 440 milyon views riba YouTube y creando mas di 4 milyon videos riba TikTok. Rema a sali debuta na 2019 cu su cancion 'Dumebi' pero tabata 'Calm Down' cu

a pone e artista aki riba plataforma internacional comber-tiendo Rema, den e artista di momento.

E prome Caribbean Sun Splash Festival

Sun Splash Events NL ya bon conoci, ta un organisacion cu ta produci diferente festival Afro na Hulanda y ta forma ekipo cu un team local pa e biaha aki presenta su prome festival na Corsou. Despues di un fantastico concierto di Burna Boy na october di aña pasa e organisacion di Sun Splash mesora a cuminsa traha nan siguiente proyecto. Bishitantenan di e festival lo haya un experiencia sin igual den Curaçao Festival Center cu diferente area; entre nan un 'foodcourt', un area exclusivamente pa presentacion di DJnan internacional y naturalmente e area mas grandi, pa e conciertonan. Sun Splash Events NL ta premira cu lo tin hopi bishitante for di exterior considerando e entusiasmo grandi pa e generonan musical aki; for di Aruba, St. Maarten, Surinam y te hasta Hulanda.

Pa mas informacion of pa sigura bo carchi di entrada por bishita <https://tibbaa.com/SunSplash>.



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Prome Minister Evelyn Wever-Croes:

Aruba lo ta anfitrión di e prome conferencia di clima y energia; CCEC

Aruba conhuntamente cu Hulanda, ta organisando e prome Caribbean Climate & Energy Conference (CCEC) cu lo tuma luga diana 10-12 di Mei 2023 na Aruba. Mirando e vulnerabilidad di e islanan chikito pa cu cambio di clima, y e efectonan negativo cu ya caba ta wordo experencia, Aruba y Hulanda a mira e necesidad pa promove e cooperacion den accion climatico entre islanan chikito mundialmente, organisando pa prome biaha un conferencia dirigi riba e tema aki.

VISION:

E vision di Gobierno di Aruba den liñanan grandi ta pa transiciona pa energia renobabel. Awor nos ta na 17% energia renobabel, pa 2024 nos mester yega na 35%, y na 2030 nos mester yega na 50%. Asina nos ta contribui cu nos parti di limita e calentamento global di 1.5 grado celcius.

Riba invitacion di Prome Minister di Aruba, Evelyn Wever-Croes, y Minister di Clima y Energia di Hulanda, Rob Jetten, representante di diferente pais y organisacion lo reuni na Aruba durante e fecha aki. Na e conferencia aki lo tey

presente, representantenan di islanan di region Caribe, partidonan relevante (stakeholders), islanan estado den Pacifico, organisacionnan di Nacionnan Uni, institucionan di conocimiento y institucionnan financiero.

PROGRAMA:

1. Reino Hulandes

E prome dia di conferencia lo enfoca riba transicion di clima y energia den Reino Hulandes y lo discuti riba puntonan necesario, den termino di cooperacion, pa logra e obhectivonan climatico di Paris 2030. Aruba, Corsou, Boneiro, Saba, Sint Maarten, Sint Eustatius y Hulanda lo ta representa den esaki. Riba e prome dia Aruba y Hulanda lo firma un acuerdo di cooperacion, den cual Hulanda lo asisti Aruba den yega na fondo pa por cumpli cu e transicion di energia fosil, pa energia renobable.

2. Internacional

E di dos dia di conferencia lo consisti di un orientacion internacional. Despues di esaki, un panel amplio di diferente pais y organisacion lo discuti e accion climatico cu ta necesario pa tur isla di henter mundo. E meta principal ta pa comparti best practices, y crea mas conscientisacion riba ki tipo di accion climatico tin riba e islanan y con efectivo e cooperacion entre e islanan por ta. Paisnan cu a confirma caba ta Spaña, Mexico, Marshall islands, Grenada, Surinam, Panama, Belize, Sint Maarten, St. Eustatius, Saba, Corsou, Boneiro.

3. Aruba

E ultimo dia lo enfoca riba e desaroyo y esfuersonan na Aruba pa loke ta e transicion di energia y clima. Lo tin varios presentacionnan riba e desaroyonan andando, y oportunidad pa combersa tocante unda Aruba ta para awo y na unda Aruba lo bay den ramo di transicion climatico y energia den futuro. Aruba lo showcase entre otro proyectonan di Eagle LNG, Windpark y HydrogenValley.

Durante e dianan aki, e participantenan lo bishita diferente proyecto di clima y energia na Aruba.

Gobierno di Aruba ta yama Bon Bini na tur delegacion pa e conferencia aki.

Pa mas informacion por tuma contacto cu e organisacion di CCEC via e siguiente email: info@ccec23.com of cu ccec@minezk.nl of subi e website oficial www.ccec23.com pa mas informacion

75.- FLORIN

@FaithFootCareByVivianna

BIAB MANI & GEL PEDI

- Regular Pedicure 35 Awg
- Gel Pedicure 45 Awg
- BIAB Manicure 45 Awg

BOOK NOW

+297 6303058

SABANA GRANDI- SANTA CRUZ

Sea cordialmente invita pa e apertura di e exposicion nobo

Cambiando Bida, na Ateliers '89 Punto Di Beyas Arte Aruba

Diahuebs awor pa 8pm lo tin e apertura di e workshop di 3D, yama Re-Move. Bou guia di e artista maestro Hu-landes, Maze de Boer. Cu como persona no ta solamente un gran artista cu un trayectorio impresionante pero tambe ta un persona excepcional. Bou di e titulo Cambiando Bida, e participante nan di e workshop mester a traha cu e concep-to di remove. Move o kita e parti patras di e obheto cu bo a diseña y haci un obra nobo di esaki. Un comovecion dife-rente cerca e participante nan di e workshop aki cu mester a crea obranan nobo for di e concepto aki.

Dunando nan un caminda di experimenta n inespera. Kico ta e parti patras di bo idea kico e tin y con bo ta visualisa esaki. Pa un luna largo e artistanan participando mester a traha durisimo pa bin cu nan obranan nobo nan, di cual Diahuebs awor nos lo ta orguyoso di presenta na e publico en general su resultado. Mustrando nan obranan nobo ta Suzanne van Spall, Aldrich Kelly, Arabella Maduro, Brice Lautric, Judith Werleman, Farley Croes, Shamika Ermaine, Bastiaan Zwiers, Nuris Lampe y Maze de Boer. Hunto cu e exposicion aki lo



presenta den un "Special Presentation" obranan recien di nos artistanan den residencia. Di nos hermana isla nan di Caribe, for di un intercambio entre BIAC Martinique, Ateliers '89 y Caribbean Linked. Esta e artista hoben nan Shamika Ermaine di Sint Maarten y Brice Lautric di Guadeloupe.

P'esey bin y ta un participante di esaki y duna bo aporte na nos arte contemporaneo di Aruba y su artistanan. Den un forma agradabel acompaña pa Master Dj Adriano Nanof cu un bar y cushina bon surti. Sea BON BINI!



PASEO HERENCIA

THE BEST ENTERTAINMENT
IN THE BEST ENVIRONMENT

- LATEST RELEASES
- RECLINING SEATING
- LASER PROJECTION
- 7.1 DOLBY SOUND
- RESERVED SEATING
- ONLINE TICKETING
- CONCESSION AND DELI

Comision Condecoracion Real Aruba

Oportunidad pa entrega proposicionnan pa Condecoracion Real 2024

"Duna honor na esnan cu merece honor"



Aruba a conoce e aña aki un grupo grandi di 10 persona cu a ricibi un condecoracion Real pa motibo cu nan a destaca riba diferente tereno y/of a dedica nan mes na nos comunidad. Comision Condecoracion Real Aruba ta informa cu entrante dialuna 8 di mei 2023 pueblo di Aruba por entrega proposicionnan pa personanan ricibi un condecoracion Real otro aña, na ocasion di celebracion di aña di Rey na april 2024.

Pa un persona por wordo considera pa haya un condecoracion Real mester tene cuenta cu e accento ta cay riba prestacionnan particular pa y den comunidad.

Tin dos categoria:

- Trabou boluntario, pues trabounan pa cual e persona no a/ta ricibi salario y pa un periodo di por lo menos 5 aña;
- Prestacionnan particular cu un persona a haci contra pago, pues den su trabou. E prestacionnan aki mester ta di un caliber y nivel di e halto ey cu nan ta surpasa locual normalmente ta wordo spera di su trabou y mester tin un balor excepcional pa desaroyo di Aruba.

Tur persona of instancia cu conoce un persona cu na su opinion ta merecedor di un condecoracion Real por entrega un proposicion. Pa haci e proposicion aki mester hazi uzo di dos formulario special. E formularionan aki ta obtenibel entrante dialuna 8 di mei 2023 na balie abou na entrada na Bestuurskantoor na Playa, na Bestuurskantoor na San Nicolas, na tur MFA's of cerca e miembronan di Comision Condecoracion Real

Aruba. Tambe por download e formularionan for di e website di gobierno: www.gobierno.aw, www.overheid.aw, www.government.aw. E formularionan di proposicion mester wordo yena completo y detayadamente y mester wordo firma dor di e persona(nan) of e instancia cu ta haci e proposicion ("voorsteller").

E motivacion di e peticion ta di crucial importancia.

Pa evalua e meritonan di un persona cu ta wordo proponi pa un condecoracion Real ta di sumo importancia pa duna tur informacion pidi riba e formularionan y pa menciona tur dato y informacion cu por duna realse na e trabou(nan)/actividad(nan) desplega dor di e persona en cuestion.

Comision Condecoracion Real Aruba ta enfatisa cu otorgamento di un condecoracion Real mester keda un sorpresa pa e persona concerni. Pa e motibo ey ta di suma importancia pa NO informa e persona concerni cu ta bay haci un peticion pe, ni involvi'e den e proceso di prepara un proposicion. Mester haci e trabao preparatorio den tur secrecia. Esaki lo evita un desapunto den caso cu e condecoracion no ta wordo otorga.

E entrega di un proposicion pa un Condecoracion Real mester wordo hazi na balie di Bestuurskantoor Oranjestad den un envelop cera dirigi na Bureau Minister van Algemene Zaken, na atencion di Decoratiecommissie Aruba, Bestuurskantoor, L.G. Smith Blvd. 76, Oranjestad, Aruba.

Proposicionnan pa condecoracionnan Real ta wordo trata na Hulanda dor di e organo cu ta carga e nomber di "Nederlandse Kapittel voor de Civiele Orden". Nan ta duna e consejo definitivo pa cu e condecoracionnan Real y nan ta hopi estricto. Por ehempel, den caso cu un persona tin tremendo logronan pa comunidad, pero e tin por ehempel boetnan grave, un persona asina lamentablemente no ta bin na remarca pa un condecoracion Real

durante cierto periodo. Por ehempel pa un boet durante un aña y dependiendo di e cantidad di boet durante mas aña.

Semper un peticion mester wordo manda hopi luna adelanta pa por keda cla cu tur tramite na Aruba y na Hulanda pa asina e personanan por ricibi nan condecoracion na luna di april di e siguiente aña. E aña aki e ultimo dia pa entrega un proposicion pa un condecoracion Real pa aña 2024 ta diabierna 28 di juli 2023.

Por favor tuma nota cu proposicionnan incompleto y proposicionnan cu a drenta despues di diabierna 28 di juli 2023 lamentablemente no por wordo trata.

Aruba tin hopi persona cu ta contribui na nos comunidad mediante trabou boluntario y personanan cu ta destaca realmente den nan trabou.

Ta deseo di Comision Condecoracion Real Aruba pa mira hopi di nan ricibi un condecoracion Real na 2024, mescos cu e aña aki. Ta p'esey un peticion na un y tur pa haci un esfuerso pa esaki bira realidad y pa asina Aruba por honra su hendenan valioso. Comision Condecoracion Real Aruba ta spera cu pa aña di Rey 2024 tambe comunidad lo reacciona cu hopi entusiasmo pa reconoce esnan cu ta haci trabou importante pa y den nos comunidad.

Den caso cu tin cualkier pregunta of pa mas informacion por tuma contacto cu e miembronan di Comision Condecoracion Real Aruba:

sra. F. Perez-Lopez (tel. 583-8425)
sr. V. Frank (tel. 587-4979)
sra. N. Anthony (cel. 593-1921)
sra. I. Nicolaas-Ras (tel. 584-8880)
sra. R. Garrido (cel. 593-1820)
sr. D. Figaroa (cel. 741-0100)

Tambe por acerca e comision via e-mail: condeco.aruba@gmail.com

Cruise Certificate Program a wordo brinda na Hilton Casino



Na un evento recientemente organisa na Ballroom na Hilton Aruba Caribbean Resort & Casino, clientenan premier [VIP] di e casino a wordo registra den e programa di Certificado di NCL, Norwegian Cruise Line. E hungadonan VIP di e casino cu a cualifica pa e programa a wordo trata cu un sorpresa berdadero, un Certificado di Crucero gratis pa e biahe di nan soño.

Norwegian Cruise Line ta trahando hunto cu mega resorts, propiedadnan independiente, botonan di rio y casinonan for di Atlantic City te cu Las Vegas, incluyendo casinonan di tribu, pa asina recompensa hungadonan fiel, cada uno acompaña pa un otro huesped cu un stater room pa un siman.

Ehecutivonan di NCL tabata presente na e evento pa responde tur pregunta cu e hungadonan por tin manera di informacion tocante e barconan, itinerario y e casino mes. Hungadonan special tambe a wordo recompensa cu e programa Free at Sea, pa diferente cosnan extra manera open bar y speciality dining.

Den e imagen por mira e hungadonan VIP di e casino, un grupo selecta di hungadonan elite, cu un crucero di 7 dia gratis na Norwegian Cruise Line na The Casino na Hilton. E beneficio exclusivo ta inclui un crucero gratis, cuminda y entretenimento fabuloso pa dos adulto.





Muchanan di Chaz Models a gana mayoria titulo na OFK Orlando Fashion Kids 2023

The Chaz Modeling & Talent School den cuadro di su 25 aniversario e aña aki ta trahando pa exporta mayoria talentonan internacional.

Dia 2 di mei 2023 un delegacion di Chaz Models a biaha rumbo pa Orlando pa e evento di Fashion Week OFK ORLANDO FASHION KIDS 2023 caminda e evento a enfoca na duna e muchanan workshop nan di Pasarela, Oratorio (Public speaking), Make up y a finalisa cu dos Fashion show caminda nan a modela pa diferente designers International. Na final a premia esnan cu a destaca mas durante di e dianan y nos a logra conquista 3 Titulo cual nan ta Baby Top Model Ciara Winterdaal, Pre-Teen Top Model Caithlyne Kock y Super Top Model Stacey de Veer. Javinah Besselink a logra keda na di dos luga den Teen Top Model.

Nos kier felicita full e Team tambe e Stilistanan cu a acompaña nos cu ta Roberto Avalo y Jesus Soto di The Salon pa nan tremendo trabou. Exportando Talentonan Arubiano esey te meta di The Chaz Modeling & Talent School.



Fortaleza Pa Famia

No tene man cu diabel, pasobra su destinacion ta fierno

SI bo no ta kere cu fierno ta existi, lo bo realisa esey ora cu ta laat caba.

Ta para skirbi den 1 Thesalonisensenan 4: 7+8 : Pasobra Dios no a yama nos pa ta impuro, ma pa hiba un bida santo. P'esey esun cu rechasa esaki, no ta hende e ta rechasa, sino e Dios cu ta duna su Spirito Santo na boso.

Ma si un hende no tin e Spirito di Cristo e no ta pertenece na dj'E (Romanos 8:9).

No sea sabi den bo mes bista, teme Señor y aparta bo mes for di maldad (Proverbionan 3:7).

P'esey somete boso na Dios, Resisti diabel y e lo huy for di boso. Hala cerca Dios y E lo hala cerca boso. Limpia boso mannan, boso pecadornan y purifica boso curason, boso di curason dobel (Santiago 4:7+8).

Sea sobrio, sea alerta. Boso adversario, e diabel, ta cana rond manera un leon cu ta gruña buscando ken e por devora (1 Pedro 5:8).

Pasobra e wowonan di Señor ta riba e hustonan, y Su horeanan ta atento pa scucha nan oracion, ma e cara di Señor ta contra esnan cu ta haci malo (1 Pedro 3:12).

E cooperacion y apoyo cu hende ta duna na maldad y inmoralidad awendia ta increibel, ta parce cu hende a lubida cu ta imposibel pa gaña Dios, cu Dios no ta laga ningun hende haci bofon di Dios, tur locual hende a sembra esaki tambe nan lo cosecha (Galationan 6:7).

Nos ta bibando riba un mundo, caminda hende ta pensa cu tur cos por y cu palabra, principio y standard di Dios ta wordo rechasa. Un bida completamente den libertinahe, caminda respet pa mayor, autoridad, y tur locual ta palabra di Dios, no ta conta, pero bagamunderia, sensualidad y perversion, ta keda aproba.

Rond mundo autoridad di mayor riba yiu ta core peliger, ya cu leynan cu muchanan por haci hopi cos sin aprobacion di mayor ta dreñando na vigor.

Y den tur esaki nos ta mira presencia di e maligno, e adversario cu ta buscando di tur forma pa destrui e hubentud, matrimonio y famia, y ta p'esey nos ta adverti pa tur hende busca Cristo Hesus y aparta for di maldad.

Nos ta bibando den tempo trabahoso, cu antes nos tabata pensa cu e lo no yega, pero awor nos ta bibando den dje, un tempo den cual placa tin mas balor cu hende, y cu hende kier sa cu placa por remplaza Dios. Un tempo di cual hende kier cambia nan naturalesa den cual nan a wordo forma den barica di nan mama, y asina para e multiplicacion di ser humano, faltando respet na Dios y su statutonnan.

Y tur esaki ta obra di diabel, pasobra diabel kier lanta hende contra Dios, pasobra e sa cu e no tin entrada cerca Dios, awel e ta purba di hala mas tanto hende posibel pa fierno.

Den Lucas 16:19-31 tur hende por comproba existencia di fierno y cielo, y tambe tur hende por sa cu esun cu dreña fierno no por sali mas y esun cu dreña cielo no por sali mas, y cu no ta existi ningun contacto entre cielo y fierno nan dos ta separa.

Pero tambe tin un gran berdad cu si un hende muri sin Cristo nada mas no por wordo haci pe, pasobra ora nos ta na bida nos mester acepta Cristo Hesus y biba pa Cristo Hesus, pa asina ora nos muri nos ta bay cerca Cristo kende a prepara luga pa nos.

Sinceramente, Pastor Marcel Balootje

Aruba Lions Club lo tene su Health Fair dia 3 di juni

'BE HEALTHY, BE HAPPY', t'e slogan di e siguiente proyecto di Aruba Lions Club, cual ta un Health Fair, cu lo tuma luga riba diasabra dia 3 di juni fo'i 9'or di mainta pa 3'or di atardi, situa den Engelandstraat 11, n'e sede di e club mes, dilanti di e e tennis court.

Segun Magaly Dijkhoff-Arends, meta di e proyecto aki ta pa mantene un comunidad saludabel riba e parti medico.

Lo bay brinda na esunnan den necesidad, e chens pa haci algun test na Lions Club mes.

Riba dia 3 di juni lo haci diferente chequeo n'e club. Un di nan t'e chequeo di wowo. Den e caso aki lo bay tin un optometrista cu lo bay controla presion di wowo. E ta bay haci saminacion pa loke ta catarata. Esaki tin un boluntario di 'Precision Eye Care', cu lo ta n'e club, cu su ekipo pa por haci esey.

Tambe lo bay tin e oportunidad pa haci chequeo di sanger. Tambe lo tin FEPO, cu tin di haber cu oido.

Parti pafo lo bay tin nan Smile Mobile, cual ta un proyecto di Aruba Lions Club, cual ta un trailer cu nan tin bon ekipa. E dos expertonan encarga lo haci tur loke ta reparacion di djente falso. Por haci esakinan limpi. Lo concentra mas parti riba esaki.

Un y tur por yega cu e djen-tenan falso y nan lo ta haci limpi

den e Smile Mobile y tambe lo revisa esakinan door di e expertonan. Y si lo mester drecha algo, lo haci esaki tambe, loke por haci n'e momento ey. E limpieza sigur e expertonan di Smile Mobile lo bay haci esaki.

Asina ta, prik dia 3 di juni riba bo agenda, p'asina bo tambe forma parti di e dia aki.



Who's to say where the wind will take you?
Who's to say what it is will break you?
I don't know which way the wind will blow
Who's to know when the time's come around?
Don't want to see you cry
I know that this is not goodbye
(Kite; U2)

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forsa". Salmo: 23

With much sadness we announce the passing of our dear father, brother and nephew.

Kevin (Kip) Timothy Hassell

Sunrise: March 15th 1968
Sunset: May 4th 2023

Beloved son of:

†James (Jimmy) Stanford Hassell
†Leonora (Nory) Lejuez

Left to mourn his loss are:

Children:

Diahanna Hassell
Daisyree Hassell
Bono-vox Hassell

Grandchildren:

Roxanne, Xenia, Alina
Julian, Logan, Terrance
Aleena, Alexander

Sister:

Ginette (Gina) Hassell

Families, aunts, uncles, nieces, cousins and friends too numerous to mention:

Hassell, Lejuez, Kremer, Huntington, Passier, Schuilenburg, Wouters, Illidge, Arends, Arrindel, Jansen, Rasmijn, Wever.

All his friends whom he also considered family. Sorry if we missed anyone in the mourning of our loved one.

The farewell ceremony will take place at Pray Funeral Home in Sanicolas on **May 9th from 9:00 to 11:00 am.**



Señor ta mi wardador, mi no tin falta di nada
Den cunucu di yerba berde, e ta ponemi sosega.

Cu tristesa profundo nos ta anuncia fayecimento di:

Leoncita Maduro Wernet

mihor conoci como: "Cita"

viuda di Roberto Maduro

Na number di su:

Yiunan:

Remigio Maduro & Olivia Figaroa y famia
Magali Maduro & Michael Trott y famia
Marcelino Maduro

Nietonan:

Rosuald Maduro
Eduard Trot

Rumannan:

†Frans & †Chimina Wernet Maduro y famia
†Scolly & †Benny Vingal Wernet y famia
†Rosa & †Panchito Geerman Wernet y famia
Angelita & Efrain Croes Wernet
Do & †Foyen Wernet Croes y famia
Ady & †Carlos Noguera Wernet y famia
Mario & Lidia Wernet Bislip y famia
Maria & †Robby Rasmijn y famia
Rocky y Miriam Wernet Larez y famia
Ronny & †Tica Wernet Correa
Aura & †Johnny Kamperveen Wernet y famia
Roberto & Garcila Wernet Arendsy famia
†Benny & Viola Wernet Wouters y famia

Swa y cuñanan:

†Olga Maduro y famia
†Adriana Maduro
†Justo Maduro y famia
†Marcela & †Jossy de Cuba Maduro y famia
Marcelo & Rita Maduro Gonzales y famia
Mercedes & Mario Semeleer Maduro y famia

Ihanan, primo y primanan, sobrino y sobrinanan, comer y compernan, demas famia y conocinan

Ta invita pa e acto di entierro cual lo tuma lugar **diamars 9 mei 2023** di 2or pa 4or di atardi na misa Santa Theresita na San Nicolaas, despues lo sali pa santana Central na Sabana Basora.

Oportunidad pa condolencia lo ta dialuna 8 mei 2023 di 7or pa 9or di anochi na Pray Funeral Home na San Nicolaas.

Nos ta lamenta cu despues di entierro nos lo no ricibi bishita di condolencia na cas.

you may not
understand now
what I am doing. but
someday, you will.

john 13:7



Tur cos aki na mundo tin su ora y su tempo,
Ora pa nace y ora pa muri,
ora pa yora y ora pa hari,
Ora pa keda keto y ora pa papia, ora pa
stima y ora pa odia,
Ora pa guerra y ora pa paz"
Predicador 3:1-2-4-7-8

Cu imenso tristesa nos ta anuncia
fayecimento di:



Lermi Victoriano Vries

Mihor conoci como:

Lermi, mo Lermi, International, Lehens"

*23 maart 1935 - † 4 mei 2023

Na edad di 88 anja.

Na number di su:

Rumannan:

† Max (Chommy) Vries

† Joanna (jfr. Nanachi) Croes-Vries

† Mario (Loy) Vries

Vda. Susana (jfr. Sani) Fradl-Vries

† Berta Figaroa-Vries

† Marie Hendriks-Vries

Sobrinu y sobrinanan:

Cecilia Arendsz-Vries, Sandra Vries, Ginny Vries, Johnny Croes, Michael Croes, Glenn Croes, Vda. Jacqueline Penja-Croes, Papito Vries, Soila Vries, Brenda Vries, Rozina Nava -Fradl, Mariela Nava-Figaroa, Deta Figaroa, Junny Figaroa, †Seppy Figaroa, Fientje Figaroa, Lito Figaroa, Raquel Trimon-Figaroa, Robert Figaroa, Yvonne van de Camp-Hendriks, Vincent Hendriks, †Frank Hendriks

Primo y primanan, comper y comernan,
ihanan, y tur demas famia y conocirnan.

Amiga di cas: Edwina Paula, Adri Rodriguez

Acto di despedida lo tuma lugar **dialuna 8 di mei 2023** di 2or pa 4or di atardi na Aurora Funeral Home. Cremashon lo tuma lugar den seno familiar.



My flesh and my heart may fail,
but God is the strength of my
heart and my portion forever. - Ps. 73:26

Cu dolor inmenso na nos curazon pero conforme cu
boluntad di Dios, nos ta anuncia fayecimento di:

Theodora Larez

mihor conoci como: "Chichi" of "Dudu"

*07-12-1940 †28-04-2023

Acto di entieru lo wordo anuncia despues.



Gradicimento / Invitacion

Di profundo di nos curason nos kier a gradici
tur hende cu di un of otro manera a muestra
atencion, amor y cariño durante bida,
fayecimento y despedida di nos mama, wela,
bisawela, suegra, ruman, tanta, tanta grandi y
amiga stima:

Sra. vda. Jenny Sinforosa Maduro-Marchena

Boso muestra di atencion ta hopi di aprecia,
tabata y ta un gran sosten pa nos.
Un danki na un y tur cu a manda carchi, kran,
whatsapp, mensahe, email y yamadanan.

Nos no por keda sin menciona Dr. Vis y su
personal cu semper tabata tey pa nos.
Na stichting H.O.P.E. pa a trata nos mama cu
hopi cariño, amor y alegría.

Na staff y personal (receptuur) di Botica
Paradera. Na departamento
"Viva Medicare" di Martijn Trading.

Na pastor J.W. Jansen.
Tambe na Aurora Funeral Home staff y personal
pa e bon y bunita servicio y atencion.

Alabes nos kier invita pa 3 Santo Sacrificio di
misa cual lo tuma lugar na Misa Pro Catedral
San Francisco na Playa:
Diaranson 10 di mei 2023 pa 7'or di anochi
Diahuebs 11 di mei 2023 pa 7'or di anochi
Diasabra 13 di mei 2023 pa 7'or di anochi

Boso presencia lo ta altamente aprecia.



"Señor ta mi wardador, mi'n tin falta di
nada. Den cunucu di yerba berde e ta
ponemi sosega. E ta hibami na awa trankil,
Pa mi bolbe haña forsa". - Salmo: 23

Nos ta anuncia fayecimento di:

Francisco Maduro

*20-09-1929 - †01-05-2023

Acto di entieru lo wordo anuncia despues.



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa". - Salmo: 23

Cu dolor na nos curason, nos ta participa
fayecimento di:

Jasselyne W. R. Inoñan Garcia

Cariñosamente yama "Jessy, Enanita"
*16-09-1998 - †05-05-2023

Acto di entieru lo wordo anuncia despues



"Dios ta amor... y amor ta Dios,
maske mi no ta na e mundo aki, tur dia lo mi ta
banda di boso Curazon, mi por stens di loke Señor
ta hasi". - Salmo 33

Cu dolor na nos curason, nos ta participa
fayecimento di nos ser stima:

Sr. Theodoor S. Farro

Cariñosamente yama "Dodo"
*26-03-1931 - †03-05-2023

Acto di entieru lo wordo anuncia despues



Lagrima y floran por seca, su recuerdonan y tur
loke el a haci y significa pa nos, lo keda graba pa
semper den nos mente y curason. "Cerca Dios mi
alma ta na paz, ta di DJ'E mi salvacion ta bin" -
Salmo 62:1

Cu dolor na nos curason,
nos ta participa fayecimento di nos ser stima:

Lidia S. M. Martinus

*03-08-1938 - †01-05-2023

Acto di entieru lo wordo anuncia despues

Blessed are the pure in heart:
for they shall see God.

Matthew 5:8



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com